

Potentiana Talmann¹⁾ an Vadian.

St. Gallen. 1519. August 9.

Teilnahme an den Gesundheitsverhältnissen Vadians. Bericht über die Lage
seiner Angehörigen.

lesum

Christum

und in im alle säligkait und gütz zû sel und lib wünschent
und begerend wir üch zû ainem tussendfaltigen grütz mit unserm armen
gebett. Hochgelertter her doctor, wir hand verstanden, daz ir nit uff daz
sterckest syent, daz ünß allen von hertzen laid ist. Insunder ünser wurden
hl. mütter priorin mitsampt dem gantzen convent klaigent üch und wel-
lent üch ain gemaint gebett lassen tûn, daz es sich bald werd bessern
umb^{a)} üch; denn wir all erkenne(n)t üch vil gütz schuldig syn, w~~an~~ wir
ainen getrüwen günstigen heren ain üch habent; got^f geb lang. Wissent
üns och all gesund von der gnad gotz in den schweren löffen, als man
üns sagt, daz es wol zûnem hie; darumb^{a)} wir vast fro sind, daz ir nit
hie sind, und wagent üch nit zû bald her. Üwer mütter und ire kind mai-
nent zû fliechent; got behütt sy for allem übel. Unser wurden l. mütter
priorin und der gantz convent laident üwer wirde uff üwer schwöster

L O

T tt

f i
f i g
 Katharina hochzitt, die ir profess wirtt tün uff iren jartag — gott geb ir wol zü tün —, des gelich üwern gemachel, junckfrow Marthan, und ir irn her vatter und frow mütter. W^{ir} wolent sy gern alle haben, wenn die löff nit werent. Dien söllent ir unser arms gebett und demüttigen grütz sagen, sunder von ünser wirdige l. mütter priorin und von allen üwren bäslin. Gott well, daz wir alle mit fröden ainandren werdent hören; ist es denn nit hie, so hoffend wir doch in den ew^{igen} fröden, da es numen end wirtt haben und tussend jar ist als ain tag. Hochgelerter herr doctor, wir befelhend üch und üwern gemachel in daz uffgeton hertz Jesu und uns allweg in üwer trüw. Dattum uff Sant Laurencen abent, im XIX. jar.

T / 3
 Diß blaßbälgin gehört junckfrow Märthy, üwer trüwen pflegerin. Werent wir by üch, wir welltin üch och trulich pflegen; wir wend üch ain besserin geben, die mütter gottes, mit^{o)} ainem besundren geb(e)tt züt ir sprechen alle tag, daß sy uns well verwesen und üch pflegen ain ünser statt, biß ir (?) wider koment zü uns.

S(oror) Potentiana Talmenin,

ü(wer) b(ä)slin) zü Sant Kathrinen, Predigerordens.

Dem hochgelerten heren, doctor Joachim von Watt, ünserm günstigen heren und veter in sin hand,

a) „um“ mit Abkürzungsstrich. — b) „müt“.

l) Von Schwester *Potentiana Talmann*, einer Base Vadians, ist nur dieses Schreiben in unserer Sammlung.